

惜  
抱  
軒  
詩  
集

惜抱軒詩集目錄

桐城姚鼐姬傳

第一卷

古體五十六首

第二卷

古體六十二首

第三卷

古體四十首

第四卷

古體三十首

第五卷

古體廿六首

第六卷

今體七十九首

第七卷

今體六十九首

第八卷

今體八十六首

第九卷

今體一百十首

第十卷

今體九十三首

宣城張炯承德孫馮翼江寧程有恆吳剛校

惜抱軒詩集一

古體五十六首

錢舜舉蕭翼賺蘭亭圖

萬壑千巖當坐起，  
斷取越東山百里。  
世間不見永和人，  
長有春風流曲水。  
滄海日高開寺樓，  
樓上當窗僧白頭。  
越僧世得鍾張法，  
頭白朝朝摹禊帖。  
扣門客坐軒檻風，  
茶香酒煖笑語同。  
致君有道堯舜出，  
訪古無人羲獻空。  
頻說法書日西宴，  
蕭郎縮手心無限。  
老僧抵掌僧雛吮，  
似謂慢藏弑欲諫。  
語卿且勿諫，  
懷璧不可居。  
御史稱有詔，  
明日將登車。  
長安再拜陳玉除，  
歐虞俯首愧不如。  
年

往運謝五百餘錢生染筆中躊躕石牀閉絕昭陵夜無  
復人閒第一書

元人散牧晚歸圖

日落未落東臯黃搖風欲靜千絲楊榆莢雨後邨塢涼  
澤中艸長人微茫牛從雜還老犉將刺促或走或羊望  
或掉尾立銜藏葦牛背短篋二尺強握坐者牧舟樹檣  
或來以筒吹其旁據牛橫坐如胡牀後有蓬髮趨踉蹌  
前有招之右袂張首伏牛後尻前昂二人裝蓐行驅羊  
掀笠偃背了髻長其一糾笠風中颺林木度盡橫陂塘  
前邨暝色寒蒼蒼一人先俟牛宮旁遶宅榆柳青蒼篔

老翁飽腹飯黃粱  
出攜幼稚嬉徜徉  
少婦機杵鳴東廂  
人生正可知農桑  
春夏耕牧秋築場  
不見臧穀羊皆亾  
嗟哉此畫真吾鄉

山寺

四山動秋響高林黯將夕  
披雲度寒榛暮陰下前壁  
寺門風蕭蕭飛葉滿巖積  
籌嶼暗深溪淙鳴出穹石  
想見谷口外落日遠峯碧  
一磬流煙中萬壑抱檐隙  
豈無湛冥人於茲衣蘿薜  
初月輝易盡悵望遂停策

偕一青仲郛應宿登城北小山至夜作

秋聲鴻澤滿暑氣蟲階謝  
攜客眺寒原居人斂餘稼  
酒



取脫枝溫席以柔莎藉餘照在單椒暝色生林下  
泣露  
五天垂巨壑當巖瀉微風度灌吟澹月流雲罅情集交  
悲歡生得幾清暇寧於蟪蛄春而慕燕雀夏視後無虛  
鞭規前有戒駕懷哉古已遙逝者今方乍勿歎平分秋  
夏卜將來夜

春雨

日暮東風休掩卷幽窗靜颯然春雨來一室生微冷時  
有棲鳥聲自令虛懷警

咏古

和璧非珠翠流光悅婦人章華宮畔路夫子欲何陳客

行漢江渚思見游女神蘋皋風日晚寧不怨青春

秦皇服胡越六合歸懸衡雄心不繼乃築女懷清漢  
廷策賢良褻然儒董生慷慨公儀子食祿復何營如何  
桑與孔賈豎充簪纓富民封丞相他日悔心萌已衰不  
再盛痛惜此孤惻

鼓枻出大江迴首樅陽渡中有漢帝臺言是射蛟處日  
夕天風吹青條變枯樹上有黃鳥吟下有寒兔顧憶昔  
翠華游帆檣隔雲霧中流造新歌清音發眾嫖巡游旣  
已疲神仙不可遇爲念所招詩廣心焉所務

循吏有兒寬乃以負租黜設吏爲繭絲何以責乾沒念

彼魏二臣屬厭風饋畢豈不變吾君懼以滋遺失

高亭發秋吹廣野多邊聲誰和羌笛歌難爲愁士聽昔  
應縣官募希有絕幕名奮隨兩校尉西詣車師城夷虜  
眾且桀漢障懸孤旌創夷夏登陴回首涕縱橫累月嚮  
弩鎧援絕城遂傾將軍旣效命舊卒皆凋零歸來室家  
盡門巷荆棘平昨聞漢天子已拔單于庭微功不得錄  
委弃秋艸并

贈郭昆甫校助教

老儒閉門元向白牢邪石邪五鹿客寄生入盆爲窶數  
衰盛人間如反手君才磊落天下奇四海賢儁誰不知

五年見子銅駝陌澹沲東風吹鬢絲朝爲石鼓詩暮秦  
鹿鳴雅先生且臥鴻都下絳帳譚經澹瀟灑嗟我水車  
旱賚舟嗟君反衣孤白裘三月春心寄鳴鴈南來飛過  
岳陽樓

爲王琴德湘題泖湖漁舍圖卽送旋里

王郎昔居泖湖裏出戶觀漁並湖水王郎今作漁舍圖  
紙上蘆菰北風起蘆花菰葉風蕭蕭煙深不見垂虹橋  
水澤朝飛洞庭雨亭皋暮落吳江湖江上漁邨帶寒巘  
緩刺輕舟向平遠波靜鳴榔月上遲日斜挂席風吹晚  
曉來網得松江鱸尊有清酒飯炊菰蘆簾紙閣夜颯颯

風雨坐伴青鐙孤就中隱約畫師意蒼茫一葉湖山次  
頗似蒲帆別岸初迴頭恰見湖中寺只此丹青貌故山  
拂衣歸思向雲間秋風夜火松陵驛唯有漁人認客還

感春雜詠八首

晨坐執書策惘焉思古人勲業建九州名德在一身一  
身尙不治九州安能仁積水必成淵何患賤且貧苟非  
秋實堅孰爲春木芑客來各有勸匪我同心親不恤同  
心歎所感餘澤淪

新陽散餘沍和風汎牕櫺披褐藹自怡舉象難爲名坐  
有素琴彈流韻方泠泠往復動心志終奏有希聲其人

五百年遇我一朝并神理不可滅道與天地貞使我百  
世下無以移此情

夜聞子規嗁朝看春已晚園天高九重誰令互激轉北  
陸既藏凌西宅復寅饑野艸青夏青衰盛吾何辨

中谷多雨寒叢蘭蔽幽阻託身萬物表英華與誰睹既  
荷春陽氣柔芳冒寸土處有不自矜養節故難侮雖無  
桃李蹊豈失松桂伍葆眞復其根甘與此終古

可憐夭桃花植彼玉階側旖旎揚柔枝上與綺窗直美  
人出素手日攬芳菲色朝粧倭墮鬢暮作金瓶飾采采  
枝已空何以成秋實

陽澤降時雨卉木初萋萋黃隕豈其時片葉飛吾階  
昊天施大化榮悴理不齊胡爲日與人多寡較毫釐  
聖舜乃惡父收犢遂無妻順命苟無忤焉往不得諧

橘樹多好陰乃在湘江涯光風蕩朝日朱實榮綠枝馨  
香旣遠達乃託白玉墀被遇主人盼賓客皆嗟咨植根  
諒非舊爲枳復何悲

昨日眾賓會送我臨潭河芳艸碧如染春風吹作波坐  
有兩少年鼓瑟而商歌一爲黃鶴曲令我涕滂沱逸翮  
橫萬里儔侶離別多不如燕與雀啁啾相鳴和

東王禹卿病中

羣舒山色如連雲萬里江濤蹙山動我昔結屋山中居  
歌霧蒸雲日頽洞青簑短棹放中流山壑貞觀信天縱  
與君初未奉餘歡各對煙波一江共而今俱作長安人  
林麓朝辭暮羈鞋論交塵土一茫然迴首前游渺清夢  
生平素無諧俗韻轉喉根觸嫌譏諷雖非鷓鼠隔雲泥  
忍爲蠻觸競庸眾君才磊砢出千尋匠石如逢任梁棟  
雕鐫緣飾會成名枉耽清吟如鳥哢只今病臥況兼旬  
朝夕鹽齏愁屢空妻子牛衣色尙欣邑人狗監文誰誦  
燕山雲物萬里清落葉秋聲一庭送高蓋誰過做席門  
酒徒爲具新芻蕘愛君力疾劇清狂尙有瑰詞成酒中



跌宕寧非軼世才，激昂頗負竄途慟。從來烈士志濟時，  
一割鋌刀貴爲用。不然脫屣去人閒，冒伏光範稱鄉貢。  
君懷竒興逸如鴻，我逢有道慚非鳳。依違見事信爲遲，  
責備時賢毋乃重。何當去此脫吾累，卻因疾愈思當痛。  
山光水態終不殊，俗狀塵容還自恐。但須鹿門攜妻子，  
休俟臨邛致騎從。清暉萬里兩幽人，迴望塵埃真一閤。

奉荅朱竹君 用前韻見贈

朱侯磊落抱竒懷，相逢意氣劇飛動。視我詩筆雜一卷，  
商榷古今眞鑿洞。前儒瑣屑被屏棄，健筆凌空出奇縱。  
採玉荆山虎豹競，織綃泉室龜鼈量。其珍竒海嶽悉駢羅，

累壓方艚與兼鞚況辱長篇持贈余大鼎特陳吳壽夢  
坐覺古色盈座隅深夜秉燭耽吟諷連年摘髭取科第  
射策彤庭語驚眾從古豪傑先輦轂邇來冠蓋競高棟  
漿酒藿肉獨鄙夷金奏宮縣羞哢哢首春上將西出師  
蟻穴初開天宇空美君奏賦揚馬儔屬艸文成萬人誦  
金閨頗未掩豪雄長轡寧惟資縱送嗟余舊業本躬稼  
回首寒山餘牖籜欲鼠持璞真聽熒射虎臨石枉命中  
平生思就季主卜清時焉用賈誼慟只今潦倒愧君知  
爽也雕龍具非用憶昔譚子劉海峯與陳伯思時余初  
隨計吏貢未及相如被放歸郊垆空望觚稜鳳而今幸

得比戶居晨夕相從荷倚重吾生關塞樓遲感故人江  
漢飄零痛落落獨爲燕市飲駸駸沉對殘秋恐君方簪  
筆入承明努力拾遺供侍從子將散髮入林深好聽砵  
匄泉石閑

王君病起有詩見和因復次韻贈之

我如惰農春未種已失農祥土膏動室如懸磬待遺秉  
大腹便便乃空洞由來人苦不自知未免心侈還口縱  
君方銳敏有奇懷遠駕千古誰能共渥洼天馬或斲弛  
那遽柔心受持鞚高掌擎分二華岳開胸吞納九雲夢  
何由菑歎獨嗜余不惜揄揚雜諷諷心親料應塵埃稀

迹奇反致嫌猜眾子興一病至跼躄惟有擁衾看屋棟  
時余獨處復誰憐喬木虛庭響寒唳蟋蟀俄驚旅舍秋  
蚺蟻頗側幽房空昨君新愈幸來過依舊雄談閒歌誦  
短袖百尺光熊熊未出霜縑目先送千帆寒水下金陵  
一鴈秋聲橫鐵轡遠思暝浦落帆還苦怨騷人薄寒中  
舊游曾對孫登嘯新詩欲作唐衢慟磊落君才祇自知  
支離余德彌無用慚非大廈任幘幪恥作小璣號游貢  
神全聊當比木雞德衰豈敢歌苞鳳方今 聖德足兼  
包坐御其球湊居重南塞宣房萬福來北治匈奴一方  
痛有道未穀奚爲恥薄植乘時反足恐雲霄未上且沈

冥幅巾步屣鴟夷從明朝牆角見黃花泥酒相將一喧  
闕

往與長沙郭昆甫游歷城西見小千佛寺菊花甚  
盛昨復過其處殘菊無幾寺僧亦亾是時昆甫歿  
一年矣適竹君又次前韻來勉僕爲學辭意甚美  
中頗念及昆甫竝吾鄉孫汝昂余感其事因更答  
之

去年重九天氣佳城角黃花倚風動精廬偶與故人來  
卻眺晴雲出煙洞竟填溝壑且無論自比雲龍吐豪縱  
今年重九故人死濁酒盈尊強誰共蕭蕭風雨動秋城

席帽短驢時獨鞚。晝陰荒寺。更無人臥地。殘英杳如夢。  
寒蟬哀鴈共吟秋。雖有新詩。向誰諷。豈期復遇翰林知。  
謂我才殊千百。眾投詩見和。託幽思。欲俟雲旗。桂爲棟。  
居然雅樂發遺音。豈肯繁絃奏新弄。中間陳義亦何堅。  
列櫓巖城。誰穴空古。聖垂教宏且遠。六籍具存。可說誦。  
尙思時述。蛾子勤敢取。謾聞禽犢。送法言夷。棄競靡詞。  
如退韶虞。樂秦。審辨麗徒於博。弈賢滑稽。奚貴談言中。  
僕也幼志慕孔姬。禮樂崩離。每長慟。博士書券。終自哈。  
司空城旦。成何用。孤吟詎比郢中歌。語人真若遼東貢。  
未如口吃子雲才。賦罷甘泉。胷吐鳳。看君少作已絕人。

艸元行使桓譚重生世交游本寥落況經車過感腹痛  
酒鑪從此邀君醉岐路久已深余恐但望植學培根柢  
願捧珠盤譬牛從勿搜奇險持驚人似向穴中爲鼠開

桃核研歌爲庶子葉書山先生賦

丈人石研安得之蒼然古色凝寒姿開匣四坐盡驚立  
躡手不敢爲摩持黯澹凸坳水痕漬鎮几礪礪重不陂  
潤氣上結雲絲浮晴天怒翻墨花碎陰厓江潭湛深黑  
大澤電光劃夜晦幽輝豈非玉質蘊含芒况淬筆鋒利  
昔聞漢武靈臺夜獻桃遠致會城駕餘核猶含茂陵思  
不獨銅人泣元霸或言天上隕星精下八淵谷爲玉英

千秋激激風波爭至今尙作濤頭形曾爲趙宋宮中秘  
上有君謨作題字御府流傳景祐藏夢華髣髴東京事  
宣和文物太清樓艮岳奇山錦石稠九重博古親翰墨  
焉知翫物非良謀北風塵冥青城路舊物飄零竟何處  
清燕當時御至尊丹鉛此日供儒素橐筆朝成奇木對  
屬車暮奏長楊賦文章猶壯身衰老金石無情世今故  
龍溪流水萬竿竹無數秋山點紅樹文人雅意慕投簪  
他日煙霞墨池吐

讀史

古來江海人抗懷天下事閱歷多激情沈冥有餘志賈



生洛陽子梅福抱關吏流涕復上書言之豈不義賢者  
與道隆儒林惡言肆願從君子游寡學當默識

詠史

白日黯澹明河光駢駢駟馬驅王良萬廡天庫開天倉  
北斗何爲挹酒漿市樓炯照旗亭張磊落錢室金爲堂  
西園車馬趨道旁詔版朝裁授使者明日司徒拜階下  
後車鮀鮑前建旄擊鐘列鼎朱門高室中何物灑屠刀  
君不見夏王初定九州貢茅茨已遠蠙珠用傾宮璇室  
後王多筐篋司農愁屢空一任臨民責爾絲安知長國  
傾梁棟匹繖持出別宮門滿堂金玉還飢凍方知洛誥

享多儀發粟當年有餘痛

臨清雨夜

昔挂輕帆濟江澤載酒同舟盡佳客兩岸秋聲楓樹青  
半夜月明江水白飄零別舊感平生搖落關河復今夕  
漳水東流汶水清寒雨孤篷百憂積

酬胡君

業宏

我如游雲出廬霍千里飄飄向京洛黃山西畔初別君  
溪流飲馬桃花落江南花落幾春風騎思漁陽飛塞鴻  
今年乘舟玩海月片帆淮甸搖晴空西尋廬阜彭蠡側  
拂袖千峯萬峯碧仙人一去白雲秋明月無心照石壁

遠公東林寺徐孺南昌宅寒艸蒼烟昏似積我對青天  
空太息丹楓十月洲南州雨聲寒抱章江樓登高把酒  
忽相遇昔君頗料如今不明月寒胎耀當代楚望沈淪  
媚幽彩人閒得失似浮雲且對江山吾輩在清詩一唱  
碧霄閒五色餘霞散湖海湖海西風萬里吹酒闌明日  
各天涯青山挂席余將去嗟爾塵埃玉樹姿

望廬山

我行昨出廬山西藤竹蒼蒼陰虎溪東林鐘聲晚出寺  
高巖木葉秋平溪白雲萬疊倏然合窈眇迴聽清緩嘯  
淇州三月憶恂惚徑駕歸艇輕於鷺宮亭湖東日初出

嵐彩欲見一片青煙迷滄洲淼漭萬餘里巖風忽落聞  
天雞屏風疊開張漫入青頗黎滄海貫石梁白日挂丹  
梯松杉上接瀑布落藤蘿下拂雲光低須臾湖波興日  
晦風淒淒岵峇香鑪峯搖曳同菰稗舟行望遠勢還出  
矯如踏雲浮動之蒼霓山搖海蕩不知處想見枕石醉  
臥人如泥晚泊湖心照南斗仰視正與石門齊莫言靈  
境近咫尺帆檣倏過難攀躋將游天地之一氣廬山從  
我到處如提攜

漫詠三首

周道既已敝儒術猶未淪暴君方代作孟子戒思申得

國容有之天下必以仁秦法本商鞅日以虜使民竟能  
一四海詩書厝爲薪發難以剷除藉始項與陳刀筆吏  
相漢法令惟所遵王霸雜用之叔孫爲聖人盛衰蓋隆  
汙治道何由醇焉知百世後不有甚於秦天道且日變  
民生彌苦辛所以佛法來賢知皆委身超然思世外聞  
見同泯泯

立人通天地斯足爲大儒多聞闕其疑慎言而非迂兩  
漢承學者章句一何拘磴磴誠小哉賢彼不學徒柰何  
魏晉開放棄以恣踰颯然無汗顏誕說作僞書子邕及  
士安同儼無賢愚淵淵雖未來人心喪已夫不學殖將

落周亂不斯須所以禁言僞宜爲治君誅述茲誠當來  
慎以防厥初

子長千古士被難身何窮悲哉百年後毀譽猶不公孔  
子錄小雅怨誹君子風美善而刺惡史筆非不忠文園  
爲令客竊資自臨邛將死勸封禪佞諛以爲工文章兩  
司馬擅爲西漢雄人君取士節優劣安得同如何永平  
詔抑揚恣其胸宜乎朝廷士進者多容容所以歌五噫  
邈然逝梁鴻

秦帝卷衣曲

池水生青蒲枝葉自相扶水綠平如故池上蒲成樹秦

關百二氏王才麾劍風雲萬里來圖籍河西收四郡旌  
旗鄴下宴三臺燕姬趙女顏如玉輦入穀雨貯金屋閣  
道春游度渭南珠簾暮卷臨灃曲貴主還留鉅鹿名小  
署絕愛鮮卑東去國嬋娟意可憐新恩慰藉情難足別  
有春風飄綺羅華燈斗帳夜煙和君王欲卷衣裳贈一  
片流雲奈曉何雄畧英姿冠當代指麾旦夕收江外戎  
國分居大荔城降夷盡保長榆塞大度何嘗愧帝王驕  
心豈免成傷敗卷衣空憶可憐霄月底花枝煙柳條婕  
好從招秦苑鴈侍中曾插漢宮貂錦袍再賜無顏色笑  
殺河東金步搖當年力戰壺關闕雀來燕室誠何益女

我亾國志先荒邠係南朝謝安石千秋編簡載功名一朝富貴埋荆棘青蒲零落水東流不見霓旌下枋頭碧雲散盡梧桐影太息阿房幾度秋

唐伯虎匡廬瀑布圖

江南萬重山匡廬乃出萬重上人言秋晴萬里栽嶺巔青天一點東南望連峯蒼蒼不見頂日出彩煙生半嶺玉堂石室藏其中縱有天風吹不冷羣巖環峙不可名巖端霞氣升空行石梁忽貫青霞落倒海流雲走空壑萬谷鈞天廣樂鳴思鳥哀媛一時作石門百仞當空開吳越江帆千里來仰首見吳越俯首聞風雷何人攜杖



凌倒景蕭條六合誰友哉林岑藤蔦相撐拒驂鸞過處  
原無路世閒惟有銀河數派通濺珠飛玉流平處我昨  
乘小艇正出宮亭湖湖心黯黯沈黛色夕陽一半開菰  
蒲是時初冬水不落懸知崆峒巨壑轟千車傾崖曲拂  
天長雨山鬼幽篁人見無咫尺未登疑有命評畫看山  
定誰勝煙雲絕境自人閒文采風流隔嘉靖流落當年  
惜異才江山尺絹今殘剩人生衰老來無時五嶽求仙  
莫辭覓

雨霽

高齋過暑雨白雲逝滄洲涼風起林杪一葉已先秋落

照耿空開倏與蒼煙收西山轉斜漢龍角相隨流朝暉  
不相知逝者焉能留今之隱几者未審當奚遊

田家

昨宵雨未足劇畦俟南塘果聞北山雷檐溜夜已長開  
門陰正重匝地垂千楊朝日尙未升風條自輕颺環村  
水盡白丹杏獨含光荷鋪向隴上但聞土膏香鄰里盡  
言好吾欲良亦償勤劬待一飽四體誠安康相與不相  
負莫若種稻梁

詠七國

孔道竊獲麟風雅泯無正蚩蚩六國主蟲豸力爭競而

關向東啟四海一朝定銅柱紉燕謀天奚愛秦政屈子  
放湘流信陵罷稱病傷哉鄭國渠延韓數年命當時天  
下士寧踏東海翼松柏與房陵哀歌不堪聽

寄友

一室聞秋鴈倏有江海思空水澹寒天遙待孤帆至念  
君期未來誰當共吾逝相望隔清溪西風滿林次

出獨山湖至江口作

初日澄前陂餘陰澹巖曲清流杳終古宛此娟幽獨煙  
消淨衰艸風來振疏木移舟度雲影停機玩空綠理味  
後人踪興與前游屬託世楚雲裏孤懷亮自足

連日清齋寫佛經偶作數句

結髮慕勝因而復役人事秋空泝江水勝地雲帆至煙  
際東林鐘月出山谷寺暖鳥諸天外中宵倚寒被劣觀  
清靜理一寓情賞寄遺物非安排取境卽塵累雪餘冬  
日美門掩衰艸翠清夢觸舊想卽日遇新義聊披貝葉  
書終與忘文字

過天門山

鼓楫凌驚波連山缺東隅飄颻天門上千里見全吳鍾  
阜何盤盤列城帶江湖風高黃雲動日落青天孤不見  
昭明宮羅綺爲榛蕪艸白風蕭蕭枯樹上嘯鳥所以豪

傑士竹帛奮良圖良圖亦焉在樹立才須與悲風與流  
水萬古一歸墟不如和叩舷高歌稱釣徒

送演綸歸里

西風吹海月萬里徹銀山  
裊裊清夜席照君如玉顏  
玉顏願長保日月逝不閒  
如何言別遽不念相逢艱  
金尊斟綠醕爲唱古陽關  
男兒非藤木安得相附攀  
君有江上宅青山繞如環  
朝望江雲起暮入江雲閒  
雲開江路盡山月照君還

送子頴之淮南

憶昔去家三千里未有交游託燕市  
當時獨聞劉海峯

每把清尊說吾子尊府多年爲貴臣君才氣更凌青雲  
會稽禹穴華嶽頂胷中萬里千嶙峋歸來風月澹襟抱  
勢去金貂非等倫君愛朋友重圭璧不恤家空徒四壁  
壯士論心天地閒往往狂歌同落魄去君遠下滄江煙  
醉臥白雲天上船西風落葉東流水橋首南鴻思北燕  
新知強對傷懷抱未若平生故交好海峯老隔黃山雲  
見子依然薊門道雄才應勒萬里勳收身豈厭五湖島  
但願爲龍我作雲對子玉顏長不老千里淮南雲水昏  
幾人流落憐王孫平生志意証如此離緒茫茫何可論

萬柳堂分韻得房字

州中車言集一  
驅車轢艸越敗牆高柳萬數餘兩行同來十客弔荒圃  
自昔幾輩升此堂相公還直紫微省詞客盡會平泉莊  
外張綠雲作帷幕中吹白雪調竽簧尙餘采桷挂蛛網  
已無戶牖開蜂房脫輻當門埽塵席舉案置地斟虛觴  
平生眩視魯郊饗日思埋迹蟻邱漿治世羣才美可用  
放言吾志嗜其荒已知堯桀未須辨焉明几楚今誰亾  
默對荒陂夕陽盡獨憶秋風江水長僕夫促駕各歸去  
回首陳迹煙蒼蒼

泊聊城

高柳汶川颺落日聊城煙元雲翳明月忽墮孤舟前

星稍磊落空水正回旋  
晒思燕將守辨說下魯連  
達士貴逃名奚以解紛傳  
一朝辭世網泯迹東海邊  
高臺今突兀空枕汶陽田

南旺湖

一花開胡尾干楊映綠潯  
孤霞照幽步春風蕩遠陰  
鱗鱗清雲合森森平湖深  
不知水影外猶受天光侵  
游目極東隅頗聞岱西岑  
石樓瞰海日礪戶窺花林  
春巖滴幽竇艸木蒙清音  
雲峯不可見高原誰爲尋  
時有漁帆逝遠接鷗鳥  
沈蒼煙忽暝色惆望空勞心

蜀山湖



步登高阜巔一眺眾川會崩騰壓雲下瀆薄吹地隘南  
旺夾雙鏡清汶劃橫帶當空晝日陰將雨天風大連瀾  
將我心超越長天外廣宇靜蕭條歸鴻忽流瀨卷石屹  
沈浴明波被翳蒼頗似團亭游中逗孤山礙據地乃偏  
遐瀕江富樅檜寓目偶爲佳風景誰當最吾行未可畱  
登艫適擊汰

邳州黃山

下邳有老父來登下邳橋遺身濁世外六合皆蕭條偶  
傳太公書聊以定紛淆卷舒出形迹可遇不可招寄語  
張孺子起佐興王朝一身尙爲石功名何足驕我來芳

艸歇南渡黃河潮大風起泗上白雲莽蕭蕭英雄盡泯  
滅仙蹟空岩堯

題沈學子步屨尋幽圖

君昔依山居孤懷嘯高寄步履逐泉聲因風造幽地一  
逕獨流煙千山共成翠空巖太古花不與松柏異閉絕  
未成蹊焉知有開墜自與深山澗餘嵐在衣被夢渡柳  
湖陂圖成廣陵市萬壑動春雲爲君渡江至余亦泉石  
人囚之悵遙思

贈沈方毅

昨挂雲帆來黃河流浩浩遙天沃日滄海波長風送客

淮南道不見隋朝之宮殿但見隋堤之芳艸蕪城蕭索  
無可歡御遇故人情獨好真珠滴酒斟金杯櫻筍玉截  
珊瑚堆脫冠把袂相徘徊夜深星斗滿空落仰見孤鶴  
橫江來身後名生前酒二者於吾竝何有嘗願登臨九  
子峯又思放浪五湖口難得人生一日閒況值相知十  
年久看君鸞鳳才標孤秋風吹翼升天都難策言堪詎  
丞相作賦才寧非大夫豫章杞梓雲霄上豈與人閒伴  
社樗楚雨才晴京口樹上有流雲不知處君望西南千  
萬峯我棹漁舟從此去

遇劉樸夫

坐逢春已晚，留滯揚州郭。獨立望寒潮，江空夏雲作。雲  
中忽見君來帆，廣陵落自攜。蘭陵酒殷勤，爲余酌新詩。  
別叟奇玉貌，看猶昨。白雨灑開軒，紅鐙照垂幕。非賴此  
流連，何能忘蕭索。

與侍潞川鄭佩人集不其山房分韻得希字

江郭晴朝雨，煙艸滋掩扉。紅藥坐成晚，青山仍未歸。高  
齋方置酒，良會遽披衣。垂簾石蘚長，拂硯風花飛。業承  
慶微劣，敢言知貴希。所慙乏文藻，況念歇芳菲。終反羣  
舒路，相望林岫微。

與王禹卿泛舟至平山堂卽送其之臨安府

往年與子游揚州紅蕖盡落陂塘秋風吹江上海月  
照見蒼煙吹笛之孤舟形骸放浪各無累釣竿只欲垂  
滄洲君後文辭動 天子起家簪筆承明裏我復逢  
君向鳳城對把清尊思故里春日辭君返鄉縣江艸江  
花不相見何意昨宵明月來重照揚州故人面一麾出  
守未須嫌且泛江南水如練江南水暖揚州城亭閣半  
空絃管聲垂楊一棹千絲輕船窗玉面歌童出捧手迎  
君如有情錦帆畫舸競朝渡翠袖紅妝看晚明松風吹  
入樓靈寺一片斜陽渡江至江雲葉葉向南飛繞遍吳  
山萬重翠青山雖好不畱君爲念來朝復愁思愁思迢

迢送別離勸君努力向天涯鳳皇須下滇南郡處士虛  
聲何足奇

贈侍潞川

走昔少年時志尙在狂狷希濶古喆人奮學乃所願北  
渡超大河遇子燕山甸謂我如艸木臭味吾同薦步登  
昭王臺滹沱蕩南面塞上來驚風白日色俱變慷慨和  
悲歌流俗頗笑訕從此別春明三年乃一見相見復奔  
馳豈不傷貧賤今年訪子居淮堤綠楊徧紅鏗照故人  
洗醜復相勸誰言壯士懷不如兒女戀感舊默傷懷日  
月幾賓餞借問此何時夏屋飛乳燕嗟吾倦遠游明朝

返鄉縣身世如萍波茫茫孰先辨惟慙志業衰如何荅  
深眷

雨行白沙嶺至昂冲遂宿

覽物長松杪春谷正蔥芊北望雙闕門硤石何蒼然寒  
雨從中來白雲鬱鈎連山鳥排空鳴四嶺下飛泉林崖  
倏開闔磴嶂窈回旋稍稍出孤邨盤盤下蒼煙霽樹遠  
禽歸溼陰小桃妍俯仰羣化閒何時不推遷真賞存物  
表了遇空山前鏡窗響松澗此意欲誰傳

惜抱軒詩集二

古體六十二首

送侍潞川主德州書院用前歲在揚州留別韻

一枝鴝鷄巢高蹈許由狷士生各有志齊心孰同願美  
君騏驥才掉鞅淮南句策名白牒中早與南宮薦家託  
管絃城青樓列玉而百里雉未馴行用陽春變而君獨  
何苦遠走妻孥訕任公釣會稽豈作井鼃見已信黔婁  
富寧有陳平賤嗟我游孤踪南北舟車徧索米饑八尺  
摘賦羞百勸賴君每見阿欲忘鄉閭戀如何燕市酒更  
作郵亭餞經譚東魯麟曲唱西飛燕諸侯重上賓六籍



傳下縣清廟奏升歌待君調駕辨小別近郊門踟躕應  
回眷

柬張樞亭庶子

我愛嵇中散讀書想介狷濁酒彈素琴了畢平生願孤  
生託江淮垂纓入王甸匹若菁茅微偶與芹菹薦生世  
湘中帆曲折衡九面可憐牛馬走坐閱魚龍變渾沌中  
央死巒壑北山訕空館復何有皓月相邀見九衢金鑰  
開萬樹銀花賤不及輕薄兒珠樓聽歌徧知君亦寥寂  
座乏尊罍勸惟應好兄弟短檠猶堪戀金匱紀神功大  
蒙入寅餞柱石佐休明廈成紛賀燕丰采天下思奚論

同鄉縣豈如一曲士踈游六氣辨未稱入金門青山結  
遙眷

次樞亭韻寄張安履

曾份

天運自密移至道無遷改小夫每自私乘物以智宰往  
來撓世紛茫如汎瀛海焉知鷄居德眾萬納淵滙寧憂  
聾五聲而目盲五采君如懸棟材起負高囊愧我如小  
廷柔叩鐘媮欲怠二者同物役屢勉赴褒采昨日東風  
休夏綠謝春蕾豈不感曉鳴鄉思寄江蘆茲意恐亦非  
韋布驕錦綵不若兩俱忘養空復何待

送鄭義民

曾份

郎中守永州

至德交萬物賢否各有宥譬彼蕙與艾同被春風滋鄙  
人出孤陋小若鷺燕知託君通家愛謂我相逢遲大賢  
何不容而我竊自私造請自不厭童僕或秀嗤雨窗黯  
青鏡聽君絕妙辭清韻條邈遠南行指湘灘遠近何足  
言跬步有離思儀郎古清要位望今已喪出守千里驪  
豈復嫌一麾歸家酌玉尊綠窗櫻桃枝起挂衡嶽帆天  
碧劉九疑曙日清崖猿渚風搖江灘一聞漁父唱再繼  
柳侯詩臥理丹橘閒民言不忍欺公行良自得何以慰  
余羈

紫藤花下醉歌用竹垞原韻

紫藤書屋古椽檠紫藤春花復秋槁紫藤架底著書人  
吟魂冢閉縈青艸過從飲酒雕龍客百歲風鐙迹都埽  
由來歷世猶駒隙安得長生服龜腦況余本性杞柳直  
戕賊彎回成栲栳朝走黃塵暮歸坐僂覺明鐙賢晝杲  
今日攜行差快意佳士花陰共懷抱虬龍兩榦擎空立  
瓔珞萬條垂地倒晚春蜂蝶惜來遲夕照尊罍歸厭早  
賞花京洛稀常遇吹鬢東風易先老承恩自昔如竹垞  
抵蠟一旦辭瓊島男兒恨不早歸去脫粟可餐衣布襖  
鄙人欲作雞棲架多士自欣魚在藻乘舸春水向江湖  
迴首花前幾人好

趙北口舟中作

鳴蛩灤岸秋殘月趙水自捨轡理輕橈蒼茫盡湖澤葭  
菼遠蕭蕭鳧鴈時拍拍地有瓦橋城路失金隄石民昨  
歌子感皇今謂河伯不見秋歸壑那免春無麥坐愧田  
居懷未辦經世策想見滄洲人煙波俯咫尺

景州開福寺塔

俗云景州塔爲天下塔王

百里見卓錫震且仰雄最叩門謁香臺據地乃非大削  
立外無堦穿空中不礙矯立長風巔萬里散秋籟天地  
莽相闢白日轉檐外太行青嶂斷煙霧積幽藹潭汶與  
滹沱流空忽交會帆檣趨溟渤鴻鴈下吳會回首送秋

雲蕭蕭出燕塞緬思開皇年建造盛幟蓋移國女寵階  
貽家適宗廢福田安得長遺迹歸猶在嗟余塵鞅倦聊  
駐絕景對落景下層梯茫茫廣川晦

德州浮橋

運河繞齊魯勢若張大弓隈中抱秦嶽兩簫垂向東德  
州倚河墻南北適要衝帆檣遶其外車馬出其中浮橋  
與流水午貫相橫縱嗟我游中原來往如飛鴻弱冠一  
川水屢照將成翁大澤涌飄雲滄海起飛龍鼓蕩漳汶  
氣日觀交鴻濛落葉下河隄飛雨來淙淙觀河吾眼在  
憑檻望秋風

九月八日登千佛山頂

泰山出青雲天半蒼然獨梁宋暨東溟萬里環其足陰  
嶂走濟南雲濤尙奔蹙勢盡尻益高塹斷無陂麓振衣  
斗直上陟磴逾援木落葉下深泉秋風徹海曲一卷華  
不注拖雲點青綠猶見山花開顧絕棲鳥躡高寒不可  
畱歸來泛秋菊

大明湖夜

南山已暝色回見明湖光秋盡濟南郭渺然江水長中  
流上新月輕舸復袖袵煙昏鷗鷺宿波沈蘆荻蒼孤往  
仍中夜回颺城曲涼亭榭高拂霧寺棘下零霜佛幢猶

立魏名士正思唐安知後游者聲迹永相望

從千佛寺回過沟突泉暮飲張氏園

濟南城南山正橫人言山前奔所耕崩榛衰艸蔽秋色  
古井深崖餘昔清曉入南山僧住院爲訪北山人題名  
初陽穿入洞窈曲佛龕鑿破山崢嶸大明湖動水雲白  
華不注抽煙霧青惘然憑欄忽歎惜古人不與余同生  
南尋日觀諒未可回念濼源重一經流穿山骨軸中出  
人遶溝魁輪外行誰言渴馬半崖水解作黃牛三峽聲  
顯晦動靜一致耳惜哉枉使羣兒驚敗荷衰柳下零亂  
夕陽逝鴈高青冥卻入荒園洗盞坐旁有小泉時復鳴



白河

京師如倚屏其北萬山立  
往往塞外水南穿塞垣入旋  
衰才沒蹀躞盛懷原隰未  
出軍都障斂若衣在拾汗漫  
順義西每當驟雨及橋梁  
既突壞莽又無舟楫

聖人歲北巡虎旅萬羣集  
灌漲夏秋交吏以供張急治  
道艸露閒隱慮事不給六  
飛竟安驅神靈信懷軫我來  
辰角見征衣不挾笠明當迎  
翠華夜渡漲沙溼彌知  
近塞寒霜風凌袴褶

送張樞亭少詹爲晉陽書院山長兼寄索石君方  
伯東坡在密州除夕詩云龍鍾三十九勞生已強

半爾與少詹方伯皆辛亥歲生今三十九矣故用

其韻

吾生如尺捶焉勝日取半少壯曾幾時撫節能無歎昔  
年十八九里舍其嬉玩見君升明堂瑤璫薦角散鄙才  
何所中強遂冠蓋伴賢愚別驥駑征邁同昏且凋年感  
新歷短檠熨舊案坐閱燕郊晚行想淮流亂懿君清素  
懷室闕奉世盟聯居幸時近呻吟聞鄭緩倏遭浮雲翳  
孰辯清濟貫余才從俗客署尾豈非情孤懷復送君冷  
若冰中炭郊環如可待休論燕昭館運會有屈伸賓餞  
易寒暖別離不可數垂領影行粲

代并控朔漠連峯盡天半形勝擁晉陽英傑昔稱歎碧  
玉唐叔祠春陂足流玩俯仰一古今摘筆朱霞散誰爲  
賢主人十載承明伴方伯氣俊爽清風發平旦孰言揚  
馬才治乃任牘案淮陽一臥臨渤海何憂亂垂澤已如  
膏虛手眞若鹽君往風景地流連帶共緩頓使庸俗目  
驚見兩密貫誕生同一歲少長惟余懦窮冬方兀坐雪  
窗聊撥炭想君越井陘稅車行授館粵文列士興吹律  
窮谷暖離立不可參曷由發笑粲

安肅道中

簷聲三夜滴牀頭海日三朝照衣領風清每快行人意

泥滑仍爲車轍稷南行常遠西山麓青銅新沐煙鬟影  
出岫溼雲行自媚蔽野綠陰寒且靜高禾連壠出苾粲  
行潦逾道跳蛙鼃更有水田白鷺飛便如長夏江南境  
少年燕趙苦行役十七年閒一俄頃故人黃土寧復見  
古道荒煙聊自省竹與夢斷一蕭疏高木嘶蟬挂殘影  
甲戌往王端木楷太守署所經此今十七年矣

獲嘉渡河

河北山形壓天半左挾軍都東海岸雲騰風舉到河陽  
二千里餘青一斲我來經過衛州西雲巘迴頭百回看  
竹林亭立明珩清原泉飛下珍珠散想見幽人尙考盤

安得同歸脫鞶絆北風忽出白陘口吹渡秋河百川灌  
山川聊供中流喜舟車顧有知津歎西南廣武數峯來  
屈指英雄幾更換

許州

初秋過潁上艸木尙蒼然午日澹平野極望空無煙亂  
蟬相繼響獨樹垂陰圓舊渠八九廢許下猶良田如何  
文潞公種竹纔媿娟行受使相寄不見車蓋旋荒園今  
亦盡澗水長涓涓

西平

明月鄆城頭汝水下激灩五更楊柳底渡艇聞魚噀水

南人未起行行一鑿閃鑿盡天轉黑數星澹可覘冥行  
不知處高下似原塹此間入蔡師吾心爲一念館人邀  
我入酒幟曉挂店通已具晨炊行早食定欠旁見婦孺  
喜今年秋禾贍軍罷驛傳稀民吏安眠暫吾寧作典農  
差愈業谿劍

吳成橋

已盡韓鄭郊始入青山路積雨曉未開前嶂隱忽露風  
林上蕭疏谿水下奔注傳聞元和初於茲畔藩戍地險  
九州分天子一朝怒上相歌采薇嚴軍入懸瓠干營盡  
凱歌三州始內附豈罄作輔村差免與尸誤當事始知

難斯人豈常遇沉沒不可論寒陂下飛鷺

渡淮

朝日出復陰廣野風浩浩淮源山萬重飛流下穹昊渺  
然走滄溟梁楚在襟抱汝穎交東環穰鄧控西道秋水  
欲歸壑憑渡馬腹燥搔首桐栢陰展坐淮南艸隧岸鳴  
蛩蜩邨簷挂黎棗風土近鄉里問語向耆老西成未爲  
惡苦被飛蝗惱連材撲未盡何以實萬寶長嘯招西風  
害氣一吹掃

應山至孝感道中

山光異遠近閒若重樓花行人度高下起落波中槎足

迹未辨耶隨國半生左史窺浮夸義陽關南出鳥道縱  
觀蒼壁激朝霞野田茅屋秋未冷高藤翠木樛相加千  
峯南盡出江面一鳥東可投吾家上游勢已據荆郢左  
肱屈叟招轄巴胷吞雲夢不芥帶囊括漢國無離侏宐  
有奇才表荆楚不然深谷逃麋麕惜哉我行不得遇翩  
翩且逐投林雅

寄仲孚應宿

曰余性質訥諧物無言詞游宦二十載殊乏新相知依  
依鄉閭愛握手自非羈臭味若椒薑非是孰爲思今年  
覽雲夢飄飄來沙羨江漢一以會秋水浮天垂廣川起



孤望日落吹參差憶昔各年少共戲激江湄青天澹秋  
色帆舉風颼颼海月萬里上屬酒酬清詩歡樂去不復  
青鬢將成絲萬事無不改風景長如斯拂衣便可去潛  
霍吾前期

登黃鶴樓次補山韻

夷陵西望巴山連大江出空如墮懸奔流一抹蹙滄海  
大別黃鶴橫障天導江至此一夾束滌澗衣帶高樓前  
憶昔赤烏始築邑憑軒雷鼓空江填此開開勢自明遠  
釣臺樊口誰能賢一朝金鴈瘞吳郡何殊總帳臨漳川  
高樓千載幾興復傳芭士女徒哀憐因山命名義自當

俗說詎可丹青傳虞翻地下應大笑孰逢黃鶴騎飛仙  
我聞譙郡戴仲若往往野服從斂叟仙入母乃卽此是  
惜哉林壑空蒼煙農部腹中有武庫瘴鄉幕府嘗周旋  
架入深穴縛虎子欲效左手如羊牽正當千里縱黃鶴  
豈將一渚從棲鳶嗟余年往道亦廢願思暇豫偷安假  
陪君欲鼓蕭湘枕湖南未到秋雲邊漢口暮見樓雉影  
江風曉踏蛟龍涎晴空子子上反宇天暮澹澹垂重淵  
無心坐見白雲滅屹立惟有蒼山豎人閒萬事不須說  
跂足當樓聊醉眠

雨登岳陽樓

衡疑阻南嶺江漢朝東溟巴陵山澤會煙雨長晦冥風  
交廣漠野雲起盪天經荒忽洞一氣焉揚帝子靈坐銷  
積霧白稍見君山青波下辰陽渚秋來襄郢垆澹余干  
里客城觀此孤停奄落西陵日餘陰橫洞庭咸池行復  
奏倚待與誰聆

由橋頭驛至長沙

雜樹接行雲晨朝吐清氣遙望西峯頂已上丹霞蔚遠  
山狀一同近嶺形千葉澗霧忽成陰巖蘿密如衣冷風  
發空響幽愴多髣髴漸出深谷口始縱秋泉沸湘帆轉  
昭曠遂夷晝經緯遙往秦舟車趨來孰湮涓物象倏以

遷亭午待猶未緬憶獨居情將毋徇俗畏

嶽麓寺

兩巨松數月前風拔其一

萬林圍一嶺古寺仰白日客來亭午後峯陰落嶂峯山  
巔長風起鼓盪四蕭瑟寒聲沈谿涯激轉久未畢老僧  
寂來對坐石逸悽慄延登佛閣望清湘隔林出雉堞帶  
洲斜帆檣轉雲疾此身偶南寄天光正東溘新霜倏已  
零斑駁青林密殿角兩巖松風雨失儔匹惟有石間泉  
激泚總如一前賢杳無見來者悵難必試將萬古懷移  
問金仙術

九日渡湘水

夜雨長沙郭餘陰被湘洲攬衣趨朝津朋好方維舟微  
颺颯以生澹蕩向中流初日忽東上連山正西浮葉落  
洞庭渚邈然江漢秋昭曠有餘景沉沒靡前修涼風送  
陽鴈空景弔陰蚪孤思安敢極良會聊相求

詣嶽麓書院有述

夙秉宋賢說太息懷斯文矧近講席前道趾播餘芬湘  
東望湘西連山如陳雲亟渡入谷口空翠四邊分築室  
倚岑巒開宇面巖垠當門古澗響環塘高樹曠荒榛延  
暮色冷風交遠聞去之六百年垂教志何勤藹彼援鶉  
手傷茲獲角麀吾生志不就斯世邈無羣回鑪天地晚

空悵逝云云

鐵瓦祠

寒雲飄烈風盤石壓其上後蹶倚絕壁前趾踏驚浪老  
松奮壑底長鬣仡相向結構託翠微丹青昔何壯元武  
盛嚴衛髣髴動幽愴好從神霄淫迹自宗藩創神理有  
誕欺人事閱興喪衡岳百里外隱然出南望吾聞董鍊  
師玉顏故無恙解帶逝從茲將入青霞訪

爲香菴兄題秋梅圖

梅花如幽士盛滿每不居澹泊向春風養氣故有餘雨  
晴百日暖天葩還自舒八月風露冷金波滿階除傾城

矯獨立疑來霽雪初主人昨何往密籌蠻獠廬伐畔安  
反側功豈崇誅鋤排斥薈收氣獨任春扶輿寒廳樹歸  
眼香影橫空疏借問花無心何爲能待余君看同晚節  
芳情長宴如

隆興寺閣

烈風吹沙昏天低雪將至哺度滹沱水騎入隆興寺結  
阿脣欄轉窺閣當空企平常金像而下臨欲無地伏聽  
驚颺響緩送飛鳥墜迴首諸天外蒼然向幽冀自從隋  
唐來恆州幾鎮帥殺綰太行日旌麾委兒戲頗懷宋藝  
祖親攬六龍轡方釋晉陽圍迴出上門騎山海近英盼

渤海在指臂圖黯隆準顏堦存刻石記黃土蔽賢愚萬  
古一幽翳冥冥止親理漠漠浮生事何爲李匡威獨下  
登高淚

定州遇雪

夜出真定府已行一百里日哺人馬倦西風大無比大  
聲長遶空沙石四而起竹輿轉人肩翻翻欲見底偷眼  
望太行亂雲出其裏落日映其上昏黃到山趾投憇道  
邊廟相對袖縮指面色纔一回計程不可已入輿坐龜  
息下帷任所詣漸聞棲鴉聲始知風稍止張鐙到定州  
空庭月如水欲看雪浪石城閉二更矣夜臥聲更寂寒



惟拙事詩集二  
光忽透紙不知何時雪茫茫没人履踏冰渡唐河隔岸  
朝暾啟

長椿寺觀明劉孝純太后畫像

辛卯年春同數客宣武門西登佛閣壞牖長椿寺裏來  
畫圖崇禎年間作仰瞻后像非副禕御號菩薩佩瓔絡  
莊烈自初封信邸顧影摧心長已矣夢魂不識劉孝純  
外家顧見徐夫人法駕淒涼迎畫像髣髴平生真未真  
內宮已拓奉先殿外寺還修香火因當時圖像別有一  
供懸御在瀛國室宗社竟至甲申年或里都爲灰燼日  
太后門眞忠孝存一朝畫與山河失不知寢殿託誰人

惟有此圖長，仿佛君不見。前有九蓮菩薩容，奉之乃在東嶽宮。松楸石屋深陰雨，神鬼虛擔交冷風。興亡死後誰能必，富貴生前迹已空。罷歸三歎徑歸去，澹澹青天翔暮鴻。

會試出闈作

季春入鎖闈，土青芽未寸。漸復槐枝暗，鷓鴣毆納鳩。遯滿堂，皆彥英。末座寄頑鈍，朱紫目爲眩。反覆心亦困，仰屋偶欠伸。放筆才一飯，單緒少黨親。愚者昧恩怨，自任平生懷。豈爲他人勸，丈室忽託想。風隄吹馬噴，徒有遙山青。隔城不自獻，靜極遠器來。髣髴雜裨販，今朝始縱步。

妻孥迎問健坐看轉夏陰掩戶散無悶

沈椒園按察晚芝亭圖

昔侍先伯居鄉邑四海賢人嘗語及清如冰雪沈御史  
復有瓊瑤好篇什出持使節海岱閒吹滿春風開東溟  
生爲後輩見之難公至暮年名轉立郎君與鼐再世交  
尙書禮曹先後入每看鶴骨出人羣輒想龍門趨父執  
京師昨竟到軒車謝客未嘗容拜揖鼐也問疾就郎君  
語重行艱年七十傳將畫照索題詩展冊欲書昨已泣  
卻思先伯年正同曳杖歌先駒影急幅巾終冀一升堂  
白髮忽看翩指隰從茲前輩彫零盡况復孤生塗路漉

城邊執手別郎君  
歸看畫圖仍在笈  
紫芝深谷自長生  
茆屋秋風爲誰葺  
惟有名德寄人閒  
兩家後裔收文集

王少林

嵩高

讀書圖

我初訪子在揚州  
天寒攜手上夢樓  
破窗鏗暗風颼颼  
擁褐無伴聲伊優  
推闥徑入驚仰頭  
王君戲子令子求  
指我君識是子不  
多君曾未一面謀  
道我姓字能探喉  
王君撫掌笑合眸  
一朝省試同見收  
無錫尙書賓館稠  
朝退論經幾客留  
召我與子時從游  
王君先達居上頭  
我才於世眞一鰥  
俯仰郎署斑生髣  
尙書零落今山邱  
王君放浪江湖舟  
邈然罷郡歸幾秋  
笑我滯迹猶貪媮

君如百鍊不改鏐名在吏部將鳴騶偉建功業爲民休  
正當容我狂不羞少日讀書老壯猷回思故迹眞雲浮  
夢樓少林及簾皆出秦文  
恭公之門而夢樓爲前輩

送沈觀察

清任

赴四川同知任

占槐連理陰初綠

禮部後堂庭有槐連理明朝植也

我始逢君借署曠

春長風暖笑談餘身若停鸞面如玉旄麾忽去暮堂空  
葉落霜初森似束使君行部向嶺山吏議藜輜俄折軸  
全家安否託江湖罷俸如何飽餽粥君還京國足如蓬  
我老塵車耳生木浮生託迹皆偶爾往事回頭嗟夢速  
喜君容貌愈充然有道何嘗驚寵辱亦知傑士不長閒

所惜歡情猶未足，竟作西南半刺官。終起休明九州牧，  
小蠢沈黎兵欲銷。大備成都酒應熟，不須別緒道酸悽。  
好與疲屨作膏沐。

送張侍御敦均歸里

昔交湯緩叔，信覩儒者傑。好學老不衰，養懷貞素節。白  
還江上廬，奄忽喪明哲。當時承學徒，幾家誦師說。侍御  
獨尊聞，前賢道未歇。澹無才知競，真抱與眾別。與君居  
連巷，頗覺造請缺。世外託知賞，豈必相見熱。羣才方進  
用，君子胡退列。旣往發遺經，繼學良可悅。日月正遷流，  
所憂變齒髮。俛仰尙後君，豈不媿頑劣。

甘泉宮瓦歌

漢家離宮渭南北前俯終南插天色椽欒山北古明庭  
盛夏凌兢寒不釋萬乘長安未足居迎風旣立增儲胥  
年年避暑雲陽去儲侍下官趨道途紅光翠氣相陵亂  
甲帳珠簾設霄漢美人鼓瑟待神仙羽林拱衛行人歎  
弄兵戾子起觸瑟何羅來甘泉見聞乃若此土木壯矣  
人危哉宮車卒別寒門道甃宇雖存瞻可哀嗚呼況復  
狐兔穴零瓦當年一膏血捨置耒耜作陶旆鞭笞畚揭  
升墀寬辛苦前人匠作誰摩淨今日形樞別君不見林  
光旣秦餘九成亦隨舊宗廟旣已夷恟心猶未究先王

宮室蔽風雨侈君土木衣文繡十菴已作向南山三輔  
幾何不苑圃茅茨太樸固未能露臺不起寧非厚陳屋  
三瓦戒居盈作室幾家貽有搆對此悲傷千載心漢事  
已過良勿又

羅兩峯鬼趣圖

形役此勞生束縛日來往謂當返其真六氣同一廣如  
何釋委形轉受拘物象匹若脫茵蛾翻飛挂蛛網君看  
隙外光穿落窗中壤或方或橢圓橫斜直曲枉游光倏  
忽暝茲形究安放萬象不可窮顛倒由一想幻作三途  
業何異景囿兩畫師如說法染筆與幽愴變狀悉呈露



目視非髯秀觀象轉得空智者一反掌天人阿修羅一  
一超無上稽首証導師茲義實非調

萬壽寺松樹歌呈張祭酒

裕肇

萬壽寺有元朝松七株偃仰無一同五百餘年到今植  
幾時變化風雨中我來頻見尙動色挈攬未敢趨當中  
甲戌京華夏初及禮闈始散羣賢集翰林邀客會城西  
寺門正帶朝暉入冥冥氣蓄雷霆寒颯颯風搖露枝溼  
是時同輩八九人熊也年纔逾二十同披單衫跋輕履  
一時散向松閒立風流諸客皆好文當筵意氣陵青雲  
有松嘗經幾輩客高論松前曾幾聞自從車馬寺外分

十年一半爲邱墳

甲戌祭酒爲編修分校出遊同游者張鏡整閣學浙暉助教馬牧儕舍人

方午莊明府眉山孝廉今皆歿矣

嗚呼此地松猶在薄游曳杖僧窗外

萬里秋吹遼海空重陰晝塞西山黯獨聽颺颺恐欲生  
況經搖落情先廢借問種松樹松樹何處無吾邑最南  
境何止百萬株上枝搖蕩潛霍雲下根磅礴松山湖往  
往中有宋元植榮枯蘿葛騰颺颺年少去之歸老夫何  
況不歸使松孤君不念男兒莫待齒髮脫無情松樹始  
長活

嚴侍讀

長明

散木菴集時嚴將南旋

風日一何佳初冬殊未冷高齋客來暮檐陽露俄頃小

庭木蕭脫蕭蕭散空影所貴人心閒適與物候靜平生  
值數賢驟見良已幸招邀況一室行不待造請主人無  
俗懷稍爲設蔬茗旣脫形骸累觀醉不妨醒試思士多  
才奚啻木有瘿苟得謝斧斤何嫌寄幽屏所惜送將離  
屈指江路永曷以盡餘情宵深燭猶秉

延祐元年江西鄉試石鼓賦卷題後

小賦八首蘇君書我初見之詹事

錢坤一載篋短檠風動目

措頻長卷夜寒手鈔怯延祐正當元運中詔書初行貢  
舉法主司聘用行省書布衣名上州縣牒十八路竝集  
隆興第二場中題試帖至命異日蹟還畱想見同年心

最愜當時鄧公上浙試深裊吳生奏鄉捷聲名傳少惜  
終淪拔取雖多頗非躡低何千載岐陽鼓笑談一代慈  
恩塔文字貧兒矜敝帚宇宙飄風吹落葉賦好誰人手  
可又時過幾日鬚當鑷童幼嘗爲揚子雲長大叟思袁  
伯業世閒筆墨未能拋太息古人譏目睫

章華國謀子圖

君居西郊我城裏同飲桐谿一谿水我行京國百不歡  
惟見鄉閭來輒喜值君新著隴西績收縛竊姦才折筮  
侍中贊引入金門 天子書名畱玉几出同鐙火倍欣  
然行異關河良久矣室家勞問到髻羈歲月崢嶸看髮

齒一經君已勝籛金四十余才射蓬矢根柯羨說長豫  
章圖畫更教看駮駟失笑天吳紫鳳閒那免任童蔣翁  
恥君行努力快清時身活千人家必起卻賦徐卿有二  
雉所愧衰遲如子美

寄蘇園仲

蘇君信慕古閱世如有道蕩蕩胷臆閒不知何者好小  
心眾人內高視萬物表徒欲春馴雉而羞夜撮蚤作吏  
見不能收身豈嫌早平城山後郡八月衰塞艸豔狐祥  
一邱固由佳士少君往聊託居已使輒俗矯日昨向汾  
陰南行就稷稻目病細書難交疏吳語悄兒瘦苦憶鎗

女嫁已泣媪授館賴主賢妻孥稍相保嗟我別君來仰  
見昏中昴千里懸一心頻搖不可爪位置賢者生豈不  
在蒼昊正以松栢姿不厭藜藿飽諸生朱游客數昏山  
公矚寄聲問起居曷以終素抱

十一月十五日雪翁正三學士借錢籜石管事辛  
楣學士登陶狀亭回至鷺寓舍與程魚門吏部曹  
來殷贊善吳白華侍讀陸耳山刑部同飲至夜翁  
用東坡清虛堂韻作詩垂示輒依奉和竝呈諸公  
西山指海如龍蛇揚雲弄霧行衙衙九門陰靄塞朝景  
雙闕明光開玉花羣公欲眺山半脊高閣上出城千家

皓空正對北風斜陽忽送西林雅八逢日至在京洛  
又見郊仗陳莖龍好景空從客游戲碎事厭聽人梳爬  
惜未聯鑣踏冷絮願承枉轡呼煎茶月堦凍面行蟻蓋  
雪地立奴垂馬撾漸至中宵析三兩猶取前輩文稱嗟  
後來知夏道今不自記過眼看雲霞

爲翁正三學士題東坡天際烏雲帖

東坡自謂字無法天巧繩墨何從施青霄碧海縱遊戲  
自中律度精毫釐嘗託西湖佳麗地仍記閒情書小詩  
前人不見蔡君謨後人不識柯九思人生翰墨細事耳  
古今相接良賴之學士新作蘇米齋欲飽看字瘳調饑

此冊神妙尤所祕雲煙閱世憐公癡今朝我憂作公病  
歛冊向篋重手持日午來看到昏黑兀兀不樂歸車馳  
學士平生妙臨本試作嘗眩真鑒知請煩冰雪襟懷手  
再寫佳人絕妙辭

三長物齋詩爲魚門吏部作

椒花吟舫學士朱十年種樹茲舊廬主人擁節江山去  
遂使程侯來借居長身美髯眉鬢疏吟誦齋中朝與晡  
窮病聲名五十載劣將文字調妻孥埽除萬物無一須  
猶藏玄壁值連都咸亨舊碑北宋榻同時一視遺大蘇  
風流頗與前賢俱文力猶健斑生鬚天地大矣偶相寄



三物一身游有餘學士江南昨寄書齋前修竹復何如  
春風欲展小庭綠晴日涵空軒檻虛我亦長安一腐儒  
戲弄筆墨來停車人閒長物件閒客正爾齋中不可無  
送吳編修敬輿

吳侯自學道往往造淵靜不以宇宙廣而爲一塗競桃  
李常不言儕類輒愛敬乃知君子器宜從大夫政在朝  
量已優告歸韻尤勝名班三殿劾身遂一帆正花落春  
水生天合松陵鏡或逢鄉曲人爭席昧名姓刈艸先人  
廬種松邱壘徑條忽秋風生相望北枝勁所恐竟脫屣  
杳與海鷗泳

董賢銀印歌

爲嚴東有作

渭南城郭都非故  
南對南山止陵墓  
書生嗜古寶殘餘  
忘卻興悲啟幽戶  
小篆鏤銀印紙紅  
土花新洗到關東  
回頭秦嶺傷心碧  
袖裏金貂漢侍中

花朝雪集覃谿學士家歸作此詩

京師信人海時時遇賢哲  
事會一聚之倏復岐車轍  
出動千百里入乃限禁闔  
遠近雖則殊容儀皆邈絕  
獨茲五六人有職幸非熱  
從游頗最久盤筯遂屢設  
亦知天運旋終當有離別  
在且欣然流連詎能歇  
正如春未深坐賞花朝雪  
平生覩間道隨處知可悅  
清宵接嘉論

有蒙固當發遂歸吟塵窗耿未寒鐙滅

述懷二首

門有吳越士擡首自言賢東帶迎入座抗論崇古先標  
舉文句閒所守何迢迢誹鄙程與朱制行或異旃漢唐  
勤箋疏用志誠精專星月豈不輝差異白日懸世有宋  
大儒江海容百川道學一旦廢乾坤其毀焉寄語幼誦  
子偽論烏足傳

昔者先端恪實作虞廷士質對與神明非邀矜怨美一  
端或自咎中夜輒懲臨當時網信疏奸猶亦褻止

先朝忠厚統所垂良遠矣自是百年來法家常繼軌刑

官豈易爲乃及末小子顧念同形生安可欲之死苟足  
禁暴虐用威非得已所慮稍刻深輕重有失理文條豈  
無說人情或不爾不肖常淺識倉卒署紙尾恐非平生  
心終坐再三起長揖向上官秋風向田里

魏三藏菩提流支在胡相國第譯金剛經刻石拓  
本

佛在祇樹園當時說此經須菩提臨前涕零復有千二  
百五十人旁聽艸堂寺盛秦姚興鳩摩羅什天竺僧譯  
諸經品中此經爲大乘後有菩提流支來世言可埒羅  
什才侍中崔光爲執筆相國之第爲之開別出譯本刻

崔嵬自從西晉亂震旦人最苦是時佛法興經律徧中  
土大慈無力拯橫流象義猶能歆暴主其閒暫廢太平  
眞君年厥孫事佛俄加虔廢者奉道希神仙復者諂媚  
求福田糜爛戰鬥峻荆網竊飾寺廟開法筵太和以來  
旣南渡洛陽伽藍起無數胡后宮闈不可言永寧佛圖  
功最鉅後胡國珍前馮熙敬事釋門皆后父富貴已極  
憂死生外戚無功謂神助譯經夏薦國珍死作福寧非  
太后故我聞佛法不可文字求廓然無聖道最優天宮  
龍藏積萬卷紛紜律論誰竊搜其中佛語魔語雜掃除  
皮毛見正法章句文義若爭巧不二無言何處答君不

見胡后起自姑爲尼死入雙靈寺內棲其始以此終亦  
此妙義那知葱嶺西河陰朝士埋碧血洛下宮闈生瘞  
藜祇有青山完片石畱傳絕域舍婆提

崔光執筆事見  
三藏法師傳此

譯本云佛在  
舍婆提國

### 錢詹事座上觀沈石田畫檜歌

三百年中畫第一天趣橫流腕閒出弟子尙作文徵明  
先生自入董源室長卷大樹爲者難屈伸神鬼閃雲關  
忽移拔地風霆閒紙上已作千年斑常熟蕭梁七星檜  
七株今尙三株在一株橫空偃圓蓋二株曾遭雷火焚  
直幹依然挺靈怪海氣沉靈古觀中行人太息虞山外

徵君攜客游觀之自從圖成復寫詩豈徒艸木生顏色  
談笑風流皆可思吾家乃在舒州住未過鎮江東一步  
曾聞此檜不曾逢卻憶江帆建康路壬申之歲給事闈  
往看六朝之松樹長鬣上激虬龍鳴蜷身下作狡犀怒  
江寒浪湧排風煙日落天空走雲霧此松此檜遙相望  
神物而今松獨亾樵薪荆棘誰當念寂寞巖阿亦可傷  
人閒貴賤誠難測且展煙霞吐習臆作畫看山終此身  
富貴不以離其親已逢洪治昇平日更作東吳偃臥人  
古樹江南春復春可憐輪轍盡勞薪世閒詩畫猶餘事  
令我長思真逸民

王舍人友亮坐看雲起圖

潛皖萬嶺江之西朝雲暮靄長升躋吾家乃在雲中住  
出戶二里三里迷江上看山卓雲立畧與吾居平地齊  
吾嘗策杖更西上猿捷鳥逝非常蹊嶽雲盛氣遠蒼合  
何所埋廢元封珪寤丹踰翠亂雲墜其上點點才如鷺  
乃知大山宮小霍一邱軟艸平流谿不謂坐處已嶮絕  
但覺四面峯頭低雲生石罅走一髮下作霹靂涼嗚哇  
繚繞連峯態萬出咫尺晴日交陰霓暮宿僧菴光正白  
月橫露壑風淒淒晦明朝暮看盡好惟有遠別無由攜  
君家看雲昔黃海新居乃卜長干堤崇山到此勢已盡



吐氣猶是龍虎棲欲窮餘霞散綺色請登天闕攀雲梯  
嗟余送子隔雲外獨憶秋山猿夜嘯

七夕集覃谿學士家觀祈巧圖或以爲唐張萱筆  
也

驪山秋樹圍宮殿列屋同居異歡宴人人七夕望牽牛  
歲歲秋風落團扇渭南渭北明河光張生腕底風露涼  
定知紈袖停針後金井殞梧聽漏長玉貌綺羅天寶未  
霜霰未深炎已奪宮中兒女爲情死牆外書生籌國活  
燒燭披圖又一時夜深題作女郎詩青天織月長如此  
巧拙人間那得知

今歲重九翁覃谿學士登法源寺閣作斲字韻七  
言詩亦以屬韻而未暇爲也學士屢用其韻爲詩  
益奇臘月飲學士家出示所得宋雕本施注蘇詩  
舊藏宋中丞家者欣賞無已乃次重九詩韻

學士金石搜南朔攬異爲詩工刻斲閉門高興逸如雲  
舒紙揮毫疾逾颺今秋九月金垂砌西嶺無雲玉出璞  
霜寒勇上寺樓看風舞懸旛翩不卓成詩淵海得驪珠  
欲和空倉饑雀啄茲農招客爲看書來似鴻儔飛撲撲  
雕鐫遠有嘉泰字收藏近與商邱較蘇詩傳世幾千首  
高語去天真一握當年獄案可悲傷他日注家還踳駁

此編雖出施願手黨禁正解東南角後來補闕要何如  
虎賁雖在中郎邈耽詩愛古皆結習計短術長非大覺  
會薄富貴書何厚甘典衣裘襟可捉子瞻自是千載人  
學士豈比無心學佳本與公吾亦欣叩門會辦來觀數  
用前韻贈朱竹君學士

嘗聞至德還其朔緣飾雕幾皆鏟斲忘情世思了不驚  
絕勝爰居避災颶先生宿有超世量刮摩無功完太璞  
出受使命寧熱內善誘諸生忘苦卓先幾獨奏啟鴻文  
後學多聞承轂啄世人那悟鴛雛德織兒枉作蚊蚋撲  
卻思此地羣冠蓋昨歲春風送重較僕時貢院從有司

不見乘軺節在握默懷鄉郡江淮上道樹未嘗忘六駿  
懸知按部方千里曲若回文周四角傳聞山水頗流連  
復有篇章發幽逸歸按中文亦復佳人道左遷原不覺  
最欣朋好復尊前風月不須勞捕捉子長好奇餘一病  
枝葉曷芟歸本學與君差近古人交苦語未嫌朋友數  
賞番圖爲李西華侍郎題

禹昔導川疏溝渠四載不及東南墟漫天漲海游龍魚  
西畛閩越東尾閩百島散處黑子如自漢不屬王無諸  
聖朝持載配地輿鄭氏世竊蠻島居曷不稽首朝  
殿除  
仁皇在阼二紀餘天戈南指皆薙鋤設立

郡縣軌同車御史監郡法秦初歲在困敦月在余臨川  
黃門受詔書南征輶傳前建旗舉帆度海風帷祛宣恩  
諭德遍里廬是時萬彙蒙煦嘘啟之闢之其檉楛籩屋  
種竹及芭苴枸榔餘甘椰柎欄四時青青百穀蔬流脂  
稻米有餘糴轉市海內連籩條吏治清靜絕詐狙因俗  
示禮兩相於海風不復遷鷄鷓番人秉性豈異余與民  
雜處颺并餘春秋射獵山作仄篋帶束耆瞻耳鑿身衣  
鹿皮弓絛筴沙魚登岸脫填淤距躍三百如蟾蜍迹纏  
迹速升山岨舍矢麗龜及豪豬相聚牽臂飲以醲好人  
怒獸或齟齬撫之有道難自紓艸薶禽獮豸義與使者

治定靡紛拏乃命頒賞布燕譽天清海宴風颺裾使者  
之幘而廣虛諸番部眾從長胥相排壓背歷驅驢佩刀  
守將跪舉袂受命分賜金帛練牽羊肩酒持巾帟既賜  
拜舞歡情攄蠻歌振股疑蚣蝮使者閱歲蓄未舍歸途  
江淮超青徐清廟重器升璠璣司空度地九澤瀦藟彼  
外郡隣沮洳有番海上思歎歔道山延閣冊廣儲公與  
羣儒聯珮琚春風思遠夢蘧蘧陳圖示客言既且遼哉  
古放龍蛇沮天子代來恩澤滂上褚中褚賜衣襖黃屋  
之國少躊躇於今絕域覆腋肱魯鷄伏鵠如蜀雉此圖  
稽典宜寶寤乃知柔遠術不疏

篆秋艸堂歌贈錢獻之

古文遭秦燒不存當時丞相篆獨尊登山刻石作螭匾  
頗取茂美異本根嗚呼秦人尙刻盤自茲書亦含秋氣  
魯壁再傳蝌斗書相傳竟斷衛伯儒世競艸隸篆蓋疏  
卓哉陽冰導二徐破碎都無保氏義瑰奇獨繼秦人撫  
錢君晚出江海陬學篆欲溯軒黃初艸堂多秋懷用意  
亦何孤豈但用意孤筆力不世出金壇王侍郎先朝篆  
第一濡毫未免先著漆布置雖均生氣失錢君寫篆不  
擇筆冥合豪釐未嘗溢乃知天巧工中微不似蠶工常  
縛律君家詹事今古人君與學古情益親詹事登朝三

十年大儒師保居虎門嘗見所作篆亦如儒者端拱齊  
鞞紳况君年紀未三十老生相逢低首立家學益永安  
可及明廷待君雖未入經術終當佐天子挾策那能歸  
下邑長安二月春風來艸青欲出花未開江湖夢遠春  
水自篆秋艸堂安在哉門多問字揚雄客聲振羣公賈  
誼才盛名雖好戒多取千古當推殊俗懷我今廢學苦  
多忘願就諮君日百回他日張紘隔吳下苦將名篆憶  
裴裒

城南修禊詩

暮春正三日來會城南隅長川明若練其上源西湖下



輸南海子艸橋貫中途晝陰天多風楊柳密復疏艸芽  
沙岸綠葦席縱橫舒而流坐中林默數同會徒長者二  
十五幼稚十人餘自從導此川種樹歲增株我來再修  
禊風景日可娛何況冠蓋眾前春尙不如是時 朝

廷清在列多鉅儒清修好名節室不聞笙竽四海艸野  
賢招徠盡于于相從抗論古薄游散其劬山陰雖可慕  
豈若 帝王都羣賢及古哲文藻復交敷鼎也最寡

聞寬世容其愚頗減吏事責與使談詩書累從諸公後  
觀覽物華初當有異世賢慨慕今茲無中筵旣自幸迴  
念願鬱紆昔者孔氏門材孰非時須後先及疏附所欲

返唐虞如何浩歌人舍之風舞零乃知士有志聖人不  
與渝旣乏經世畧披褐空田廬遼哉千古會日月終不  
居夕陽散車馬長途眺廣虛屬斯告後來慨焉或念諸